

UNTUK SIARAN SEGERA

Sime Darby Property Raih 12 Kemenangan di Anugerah Seni Bina Landskap Malaysia

- Syarikat memenangi anugerah Pelanggan Terbaik;
- Sime Darby Property turut menerima empat anugerah bagi Kategori Pembangun, tiga anugerah dalam Kategori Tindakan Iklim, serta empat anugerah untuk Kategori Profesional.

ARA DAMANSARA, 13 MEI 2024 –Sime Darby Property Berhad (“Sime Darby Property” atau “Syarikat”) meraih 12 kemenangan termasuk anugerah Pelanggan Terbaik di Anugerah Seni Bina Landskap Malaysia 2024 (“MLAA14”).

Pengiktirafan ini mencerminkan dedikasi Syarikat untuk terus mempertingkatkan industri seni bina dan memacu norma reka bentuk terkini. Ia juga menunjukkan penekanan strategik Sime Darby Property untuk mengintegrasikan kelestarian dalam pembangunannya di seluruh negara.

“Kami percaya bahawa reka bentuk landskap dan seni bina yang baik dapat meningkatkan kesejahteraan komuniti kami dan menyumbang kepada usaha kelestarian secara positif, khususnya dalam biodiversiti bandar,” kata Dato Azmir Merican, Pengarah Urusan Kumpulan Sime Darby Property.

“Setiap pengiktirafan ini menunjukkan usaha Sime Darby Property dalam mencipta komuniti mampan berpandukan Matlamat kami untuk menjadi Pengganda Nilai kepada Masyarakat, Perniagaan, Ekonomi dan Planet,” tambah Dato’ Azmir.

Dianjurkan pada setiap tahun sejak 2007 oleh Institut Arkitek Landskap Malaysia (“ILAM”) dan disokong oleh Persekutuan Arkitek Landskap Antarabangsa (“IFLA”), anugerah berprestij ini meraikan kecemerlangan dalam bidang seni bina landskap.

Sime Darby Property menerima Anugerah Kecemerlangan untuk Bandar Elmina bagi kategori Anugerah Pelan Induk Landskap manakala KL East menerima Anugerah Penghormatan. Syarikat juga meraih dua Anugerah Penghormatan dalam kategori Pembangunan Landskap untuk Bandar Elmina dan Nilai Impian.

Usaha Sime Darby Property dalam mendorong agenda kelestarian turut diiktiraf dengan tiga Anugerah Penghormatan bagi kategori Pengurusan Alam Sekitar & Landskap untuk Bandar Elmina dan Bandar Bukit Raja, serta dalam kategori Infrastruktur Hijau untuk Bandar Serenia.

Syarikat juga memenangi empat Anugerah Kepujian bagi kategori Analisis Landskap dan Kajian untuk Bandar Elmina, Bandar Serenia dan Nilai Impian, dan dalam Anugerah Reka Bentuk Landskap untuk Bandar Elmina.

Dato' Azmir berkata: "Terima kasih kepada panel juri kerana mengiktiraf pencapaian-pencapaian di perbandaran kami. Syarikat akan kekal berusaha untuk mempamerkan prestasi cemerlang dan akan terus berinovasi dengan idea-idea baharu sambil mengambil kira trend industri terkini."

-TAMAT SIARAN-

Mengenai Sime Darby Property Berhad

Dengan pengalaman lebih daripada 50 tahun, Sime Darby Property menerajui pembangunan komuniti terancang, menetapkan penanda aras bagi kualiti, inovasi dan kemampunan dalam projek-projek kediaman, bersepadu dan bertingkat tinggi di 25 perbandaran dan pembangunannya di seluruh Malaysia.

Di kala peralihan kepada sebuah syarikat hartanah menjelang 2025, Sime Darby Property memacu segmen perindustrian dan logistik di Elmina Business Park, Bandar Bukit Raja, Bandar Hamilton Nilai, dan Zon Ekonomi Khas Pagoh. Sime Darby Property juga merupakan pemaju hartanah tersenarai awam pertama di Malaysia yang mewujudkan dana pembangunan dalam sektor perindustrian dan logistik untuk mendorong portfolio pendapatan berulangannya.

Syarikat telah berikrar untuk mencapai pelepasan karbon Sifar Bersih menjelang 2050 berpandukan sasaran berasaskan sains untuk mengehadkan kenaikan suhu global kepada 1.5°C. Sebuah organisasi yang menjuarai usaha-usaha pemeliharaan biodiversiti, Sime Darby Property merupakan konstituen MSCI ACWI Small Cap Index bertaraf MSCI ESG BBB, dan dinilai oleh Carbon Disclosure Project.

Sebagai sebahagian daripada konsortium Malaysia yang berjaya membangunkan semula Battersea Power Station yang ikonik di United Kingdom, Sime Darby Property juga memiliki Kuala Lumpur Golf & Country Club yang telah memenangi pelbagai anugerah serta menjadi tuan rumah kepada acara berprestij Maybank Championship yang diselia oleh LPGA.

Didorong oleh Matlamatnya untuk menjadi Pengganda Nilai kepada Masyarakat, Perniagaan, Ekonomi, dan Planet, Sime Darby Property melalui badan dermawannya, Yayasan Sime Darby, kekal aktif mencipta impak sosial yang positif untuk semua lapisan masyarakat.

Sime Darby Property diiktiraf di peringkat dunia dengan kemenangan Emas dan Perak di FIABCI World Prix d'Excellence Awards 2023, dengan pencapaian-pencapaian membanggakan lain, termasuk All-Stars di StarProperty Awards 2023, kedudukan Platinum dalam kategori Pembangunan Hartanah di Putra Brand Awards 2023, Anugerah 10 Pemaju Terbaik (Malaysia) di BCI Asia Awards 2023, Anugerah Pilihan Rakyat di PropertyGuru Asia Awards Malaysia 2023, serta dinamakan sebagai salah satu daripada tiga pemaju hartanah terbaik Malaysia di 'The Edge Malaysia's Top Property Developers Awards 2023'.

Untuk maklumat lanjut, sila layari www.simedarbyproperty.com

Kontak Media: Alia Mior Azhar | +6010-433 4268 | alia.miorazhar@simedarbyproperty.com

Untuk pertanyaan lanjut, sila emel: group.communications@simedarbyproperty.com